

**(ciep banj 5)**

Siz Ginbingz daegbied gangj daengz, raeuz au gaemmaenh aen cawjdaez coihawj yiengh hwnghat caetliengh sang neix guh baenaj, dawz saedhengz aen canloz gyadaih gij aeyungh ndaw guek caeuq gyalag gajgwz gij gezgou mbiengj gunghawj ndeindei giethab hwnjdaeu, hawj aen loek ndaw guek baenqienj de engq gag miz rengz bae baenq caemhcai baenq ndaej ndeindup, hawj aen loek seiqgyaiq baenqienj de baenq ndaej ndei youh vaiq, gyavaiq laebguh aen ginghci dijhi yendaiva, roengzrengz daezsang gij swnghcanjliz sojmiz yausu, roengzrengz hawj diuzlienh canjnieb caeuq diuzlienh gunghawj engq naihiu caeuq engq ancienz, roengzrengz doinyoengx singz mbanj yungzhab caeuq gvaengxdieg doxdaengh hwnghat, doinyoengx ginghci guh daengz caetliengh hwnj mbaek caeuq soqliengh hableix demmaj.

It dwg cauhaeb aen dijci yiengh hawciengz ginghci sevei cuji suiyingz sang. Dingjmaenh caeuq laebndei gij ginghci cidu giekbong sevei cuji, mbouj doenghngauz saekdi bae gyamaenh caeuq hwnghat yiengh ginghci gunghyoujci, mbouj doenghngauz saekdi bae gujli, haeuicoengh, dazyinx gij ginghci mbouj dwg gunghyoujci haenx hwnghat, lailai hawj hawciengz bae gietdingh swhyenz ndaboiq, engq ndei langh gij rengz cwnghfuj okdaeu.

Ngeih dwg hwnqguh aen canjnieb dijhi habngamj seizdaih. Dingjmaenh lai cuengq rengz haeu yiengh ginghci saeddaej bae hwnghat ginghci, doinyoengx gij gunghyevza yienghmoq guh baenaj, gyavaiq hwnqguh aen guek cauhyuh ak, aen guek caetliengh ak, aen guek hangzdenh ak, aen guek gyaudoeng ak, aen guek vangjloz ak, aen Cungguek soqcih.

Sam dwg cienzmienh doicaenh guhhoengh lajmbanj. Dawzdingh guhhoengh nungzyez lajmbanj gonq, dawzdingh singz mbanj yungzhab hwnghat, hawj gij yausu singz mbanj riuzdoengh doengrat. Netsaed doinyoengx guhhoengh gij canjnieb, vnzcaiz, vwnzva, swnghdai, cujci lajmbanj. Daj gak fuengmienh bae cuknet aen goekdaej haeuxgwn ancienz, soujmaenh diuz sienqhoengz cibbet ik moux reihnaz. Gyalag gajgwz gij cidu diegdeih lajmbanj, hawj nungzminz miz gienzik caizcanj engq lai. Baujjang gij gienzik diegdeih habfap gyoengq nungzminz haeu singz an' gya haenx, gujli ciufap gagnyienh soucienz le cienj-nyienh.

Seiq dwg coihawj gvaengxdieg doxdaengh hwnghat. Haeuilaeg saedhengz aen canloz gvaengxdieg doxdaengh hwnghat, aen canloz hungnaek gvaengxdieg, aen canloz cujdij gunghnwnzgih, aen canloz cwnghcinva yienghmoq, gajndei gij baijbouh swnghcanjliz hungnaek, cauhaeb yiengh baijbouh ginghci gvaengxdieg caeuq aen dijhi gyanghoeng diegguek ndaej dox bouj gijak, caetliengh sang bae hwnghat haenx.

Haj dwg doicaenh yiengh doiq rog hailangh suiyingz sang. Yamqonj gyahung hailangh gij gveihcwz, gveihci, guenjieix,

biucinj daengj doengh gij dangq cidu neix. Gyavaiq laebbaenz aen guekgya ak dajgai dajcawx. Caux ok gij vanzging cei q hab guh seng' ei q dwg youz hawciengz dazyinx, ciuq faplwd guenjieix, ndaej hamj guek gaicawx haenx. Doinyoengx caez laeb "it rangh it loh" hwnghat engqgya ndei bae. Miz bouhloh doicaenh yinzminzbi hwnj gwnz gozci. Haeuilaeg caeuqfaenh daengx seiqgyaiq youq gwnz canjnieb guh faengoeng caeuq doxgap, henho yiengh ndabaij gozci ginghci caeuq gij gvanhaeh ginghci mouyiz lai yiengh onjdingh.

Siz Ginbingz daegbied gangj daengz, dawzmaenh gohgi dwg yiengh swnghcanjliz daih' it vnzcaiz dwg yiengh swhyenz daih' it cauhyuh dwg yiengh doenghlig daih' it

Siz Ginbingz youq ndaw aen baugau Ngeihcib Daih daegbied gangj daengz, itdingh au gaemmaenh au gohgi daeu guh yiengh swnghcanjliz daih' it, au vnzcaiz guh yiengh swhyenz daih' it, au cauhyuh guh yiengh doenghlig daih' it, haeuilaeg saedhengz aen canloz baengh gohgyau hawj guek hwnghwnj, aen canloz baengh vnzcaiz hawj guek akrengz, aen canloz au cauhyuh doinyoengx hwnghat, ra au giz moq roen moq bae hwnghat, mboujduenh ganq ok geu rengz moq giz ak moq daeu doinyoengx hwnghat.

De naeu, au dawzmaenh banh ndei gyauyuz doekgonq, gohgi gag laeb gag ak, baengh vnzcaiz dazyinx, gyavaiq hwnqguh aen guekak gyauyuz, guekak gohgi, guekak vnzcaiz, dawzmaenh coengh Dangj ganq vnz, bang guek ganq caiz, hawj gaiq hong gag guhcawj gungganq vnzcaiz yienghyienh raen ndei, roengzrengz ganq ok gij vnzcaiz cauhyuh cei q ak, ciucomz gij vnzcaiz maenh' ak lajmbwn daeu yungh.

Banh ndei yiengh gyauyuz beksingq habhoz. Au seizseiz humxheux yinzminz bae haibanh gyauyuz, gyavaiq cauhaeb aen gyauyuz dijhi maenhndei, lai guh suciz gyauyuz, coihawj gyauyuz yied daeu yied goengbingz. Gyavaiq yivu gyauyuz youh ndei youh bingzyaenx bae hwnghat caiqlij singz mbanj doxcaemh doengzcae, engq ndei bae boiqceiq gij gyauyuz swhyenz ranghdieg, lai roengzrengz banh ndei gij gyauyuz duenh haeu hag gaxgonq, gij gyauyuz daegbied ndeileih vnzlai haenx, laebdaeb youq duenh gauhcungh haibanh baenz lai cungj lai yiengh hagdangz, caezcienz aen dijhi daengx hagduenh bangcienz hagseng. Gyavaiq guhbaenz yiengh gyauyuz soqcih, hwnqguh aen biengz maij hag, aen guekhung gaenx hag miz daengxcungq yinzminz baenzciuh bae hag haenx.

Caezcienz aen dijhi gohgi cauhyuh. Dingjmaenh cauhyuh youq ndaw daihbuenz hwnqguh gij yendaiva guek raeuz dwg yiengh cei q youqgaen de. Laebndei aen dijci Dangjcunghyangh itcaez lingjdauj gaiq hong gohgi, laebcienz yiengh dijci moq daengx guek comzrengz daeu guh, gya rengz hawj aen canloz gohgi guekgya, engq ndei bae boiqceiq

gij swhyenz cauhyuh, hawj aen dijhi cauhyuh guekgya lai ndaej cingjdaej langh rengz. Lai caeuq guekrog guh gohgi gyaulouz doxgap, gyarengz caeuq guekrog cauhaeb aen vanzging guh gohyenz, cauxbaenz yiengh swnghdai hailangh cauhyuh miz rengz youq gwnz seiqgyaiq beijak.

Gyavaiq saedhengz aen canloz au cauhyuh doinyoengx hwnghat. Gyavaiq youq ndaw gohgi maenh' ak guh daengz ndaej gag laeb gag ak. Au gij daengxbuenz aeyungh guekgya daeu dazyinx, comz rengz gung roengz yiengh gohgi cauhyuh lingxdaeu, baenzlawz cungj au dawz roengz yiengh gisuz cei q maenh cei q youqgaen. Gyavaiq saedhengz buek gohgi hanghmoeg hungloet guekgya ndaej dingh daengxbuenz nanangq daihbuenz caiqlij ndaej yinxlingx daengzcog ndeu, gyaak gij rengz gag guhcawj cauhyuh. Cau ok aen vanzging haemq ndei ndeileih doengh aen giyez rauh iq saeq caixhangz gohgi haenx majhung, doinyoengx diuz lienhcauhyuh lienhcanjnieb lienhshwhginh lienhvunzcaiz yungzhab haeu laeg.

Haeuilaeg saedhengz aen canloz baengh vnzcaiz ak guek. Seizseiz cungj au gingqcungh guhhong, gingqcungh cihsiz, gingqcungh vnzcaiz, gingqcungh cauhyuh, saedhengz aen cwnghcwz vnzcaiz engqgya ndeileih, engqgya hailangh, engqgya mizyauq. Roengzrengz cauxbaenz yiengh vnzcaiz youq gwnz gozci daxak raen lai ak lai rengz. Gyavaiq gung ok geu rengz vnzcaiz gwnz canloz guekgya au yungh. Gyalag gajgwz gij dijci gihci hawj vnzcaiz hungmaj, giet-comz gij vnzcaiz maenhndei yienghneix yienghhaenx haeu daengz ndaw saehnieb Dangj caeuq yinzminz daeu.

Siz Ginbingz daezok, hwnghat yiengh yinzminz minzcuj ronzoeng goekbyai, baujjang yinzminz dang- gya guhcawj

Siz Ginbingz youq ndaw aen baugau Ngeihcib Daih daezok, hawj yinzminz minzcuj ronzoeng goekbyai dwg gij ndokngviz yiengh minzcuj cwnghci sevei cuji, dwg gij minzcuj cei q gvangqlangh, cei q caensaed, cei q dingjyung he. Ildingh au giendingh mbouj bienq byaij diuz roen cwnghci fazcanj yiengh sevei cuji miz gij daegsaek Cungguek, seizseiz au Dangj lingjdauj, yinzminz danggya guhcawj, ciufap guenj guek ndeindei dungjyiz.

De daegbied gangj daengz, au laeb caezcienz gij cidu dijhi yinzminz danggya guhcawj, lai hawj yinzminz ciuq bouhloh bae caeuqfaenh cwnghci, baujcingq yinzminz ndaej ciufap bae guh minzcuj senjgij, minzcuj hezsangh, minzcuj gezcwz, minzcuj guenjieix, minzcuj gamduk, hawj yinzminz ginzung lai maij guh, gagrox guh, cauhyuh bae guh, gyamaenh caeuq hwnghat yiengh cwnghci gizmen sengdoengh hozboz, andingh doxgiet haenx.

(cienj banj 7)